

甌香館集

補遺詩補遺畫跋  
附錄

二



甌香館集

補遺詩補遺畫跋附錄

(二)

惲格著





叢書集成

初編

主編  
編者  
王五

商務印書館發行

# 甌香館集卷六

## 江上懷友

江城鴻鴈過。霜落芙蓉裏。日暮憶遠人。鳴琴對秋水。

## 月夜步城北曹園

烟月鎖荒園。空臺夜鳴鳩。不見歌舞人。梨花落如雪。

## 初秋

素月疎樵外。明河深樹中。秋聲何處起。半夜落梧桐。

## 李侯署中古柏行

素練霜柯高百尺。李侯笑指庭前柏。根蟠古雪苔蘚斑。冰鱗纏身鐵爲骨。勢如潛蛟初起蟄。培風將奮摩  
露力。拔地驚雷未敢飛。翻身回顧猶竚立。上枝承露還嵯峨。霧角烟芒翠相織。下枝垂垂含勁風。纓絡照  
地光玲瓏。徂徠岱岳借靈氣。嶧陽豈羨孤生桐。千年鴛水青銅幹。奔空欲使撐河漢。雉起聲從岐麥來。鶴  
飛影與青霞亂。鳴琴如坐丹青中。攀條烟雨生几案。李侯爲我傾玉漿。吹笙夜月招鳳凰。始知呼吸通帝  
座。明星玉女紛來翔。安得驂麟上閭闔。把手羣真游八荒。排雲高議聲琅琅。鏘金戛玉趨巖廊。臺畔賡歌

賦柏梁。此圖披拂生輝光。

題野雪軒

半簷窺野色。積石傍山楹。爲有移梅興。因留愛雪名。得雲生曉白。借竹起寒聲。筆落峨眉想。詩餘剡上情。如何乘玉珂。只聽上林鶯。

題扇

客帳流蘇麝氣薰。鷓鴣還覆藕絲裙。醒來卻怪衣裘濕。枕上猶留昨夜雲。

一草堂歌贈董十六舜民

我爲草堂吟。長爲草堂客。草堂入我畫。紈扇不盈尺。主人浩歌脫雙鳥。天上星辰不可摘。人間衡霍非吾宅。谿山借半壁。日月走一隙。僊人彈碁在白石。嬋娟紛如玉山立。纖指調漿出翠釜。銅盤然炬明瑤席。不出環堵間。如坐青城隈。閭巷自車馬。蘼路無風埃。濛濛垂蔓葉。粲粲過牆梅。若有山根出籬下。如聞石隙流泉來。爲君歌。擊唾壺。胡爲艸堂。時聞蟪蛄。君何不著書。名露續。史稱狐。可以懸國門。可以傳通都。笑彼徇名。建鼓而趨。折楊同聲。大音凋枯。坳堂覆杯。不知天吳。小技驕人。見忌壯夫。君不見赤驥在鹽車。長鳴太行坂。一揮赤汗束蘭筋。絕景奔霄未云晚。又不見神魚噴秣。鬐蔽天。未覩蓬萊山。奚能升紫烟。因君草堂歌。爲君問千古。美人看彈琴。豔曲翻銅虎。

一草堂。有銅虎。煤傳奇。

高軒大蓋滿京華。草堂中人獨愁苦。草堂

草堂且勿歌。高軒大蓋如君何。

送友之秣陵

湖南草綠鳴角弓。輕裘春向秣陵東。吹笛江樓花滿路。柳絲不繫青青驄。江淹飄泊春風久。空著新詩滿人口。紫燕來時歸未歸。臨江送客空回首。

秋日湖上訪舊不遇

望湖亭畔聽吹簫。畫舫烟波十二橋。憶自孤篷飄瘴海。至今雙劍各雲霄。關山夜月離樽滿。水國秋風別夢遙。回首昔時分手地。千林落木正蕭蕭。

贈高彙旂先生

鳳曲高千載。麟遊竟後時。畫前常見易。雅變欲刪詩。日月三塗盡。蟲沙一代期。河汾家學在。猶幸奉臯比。

過故人墓

黯澹懸封墓草黃。天風吹日照滄桑。夜珠自與連城碎。衰鳳能先百鳥藏。作誄有妻稱柳下。招魂無路向瀟湘。不須更聽鄰人笛。翹首松雲已斷腸。

西泠送季子

君從南海來。我過西泠下。相問都成隔歲人。歸心黯澹梨花夜。月白湖烟空。寒聲向東瀉。惱亂綠楊絲。不



繫殘春駕。君乘青雀舫。我控雙驪駒。雀舫漾滄波。驪駒在城隅。越江流雲夜入吳。茫茫碧草飛鷗鴟。蒲塘日出挂烟樹。棹歌聲轉蘋花去。樹頭忽見帆影高。立馬還看繫舟處。

送芭侯

僕夫戒行李。相送臨河陽。仲冬十一月。革履履嚴霜。征人不遑留。踟躕周道旁。仰面見飛鳥。東西各成行。奈何雙青鸞。羽翼不並將。昨日同衾裯。恩情如弟兄。一朝逐轉蓬。飄飄竟南翔。詎爲兒女態。恨恨霑衣裳。常恐成參辰。天路永相望。薄終豈足道。明誓亮難忘。願保千金軀。努力崇令芳。亭亭山上松。裊裊松上蘿。託根一得所。百年附崇柯。結交各有因。墳簞自相和。古道世所棄。衆趨難爲多。披紛非金石。久要竟何益。明德喻中懷。邂逅同宿昔。所以僑札交。君子三嘆息。行矣善自持。白首從今夕。離別安足悲。勉勉加殮食。

花樓曲

爲毛稚黃  
悼宋姬

花樓斷古春。天江沈新魄。金彩芙蓉愁組紉。紅燭宵光散刀尺。罽袍離披賣漿客。獨捲龍綃倚瑤席。聲咽銀雲五十絃。珊瑚挂鏡鸞塵隔。蜀山鳳去桐花冷。金瓶忽墜鴛鴦井。瓊柱空移碧玉歌。曲屏不照黃蛾影。盧家蘭堂蘇合香。陰陰碧瓦生璇霜。綠苔蒙茸亂光髮。無風欲動眞珠裳。天迷迷。雨唧唧。壁衣烟晚蟲絲織。茵莖怨紅秋。落盡胭脂色。靈牀釭火含微明。隔帷如聞解珮聲。舊時折殘櫻桃花。雙棲翡翠徘徊鳴。堦

前履迹猶存否。朱草明年不忍生。

雪山

朔風捲樹無雲影。半壁寒光天欲冥。怪底晴窗見雪飛。江空忽露峨眉頂。

樵米敷文作霖圖

白雲御冷風。知自帝鄉來。俄頃已萬里。橫過黃金臺。麗哉螭龍衣。搖曳上銀浦。岱嶽未肯藏。膚寸天下雨。

題松嶠流泉圖壽黃翁

先生獨行世。無西山。寥寥天游。不知人間。靜對先生。嗒然無言。予亦相忘。黃唐在抱。呼吸天根。時聞松風。泠泠澗泉。拂我懷袖。觸我琴絃。聽之希聲。在彼毫端。以贈先生。媚此靈烟。岑岑高巖。雲簪其巔。游乎此中。安知歲年。

層巒疊巘

從君游太古。借爾寄牢騷。靈襟消尺素。原不在山高。

寄桐山姚綏仲

千里江雲不到吳。斗邊龍氣劍長孤。花前得句誰相賞。春草西堂夢有無。愛君詩句比芙蓉。老我青蓑箬笠中。春到不消雙鬢雪。牡丹花下歎東風。



西湖坐竹上小閣書懷

紅藥氣已薰。朱草裁可卷。蘋際掩湖風。西雲自東轉。山烟有時局。峭蒨忽在眼。倚嘯臨空樽。賞心遡逾緬。遙夜想鶴鳴。蕙花過春峴。故歡未零散。蘭期待今踐。拊髀流秦聲。炙轂失齊辨。帶長綴愁重。酒深度寒淺。乘鯉莫與同。握香不堪展。持此空谷心。沈憂爲誰遣。

東臯主人招曹劉諸子痛飲牡丹花下余不同遊悵然有作

東臯主人十日不看花。東臯草深路斷金犢車。豈知名花忽借東風力。一夜綠光成霧紅成霞。此時開軒置美酒。笙簧在左琴在右。步障雕闌正寂寥。蛸絲欲網紅蕉牖。醉客誰能舞柘枝。當筵未忍揮雲母。楊子旣停觴。曹生方斷腸。庭前小草當春皆作香。人間好景如何對此能相忘。南田子遙招呼。閉戶不顧高陽徒。負郭今有無。縣吏常催租。十指倒瀉五嶽圖。抽毫空使神靈趨。眼前失卻紅氍毹。不來花底傾玉壺。乾坤久偪仄。有人對花同歎息。趙后都非漢殿風。麗華曾是陳宮色。漆燈晝暗屏山下。茱萸烟冷芙蓉榭。當日歌梁囀玉喉。於今金粉銷空夜。春風歲歲來江濱。那識高堂無美人。明月不照客。銅池非我春。西江傲吏虛錦茵。東臯醉客猶苦貧。願君看花莫辭飲。視我頭上無完巾。

題落花遊魚

尺波無處宿鴛鴦。搖蕩春風荇帶長。忽見輕儵初出水。落花如雪過迴塘。

西泠馮子新構伊園別業

文園相見日。江館正花飛。面減何郎粉。腰寬沈約圍。海雲低入袖。山雨近沾衣。莫遣春風過。花間暫掩扉。  
地借迴塘闊。軒因積水明。戲魚常釣月。種柳欲藏鶯。簾捲春山影。歌翻子夜聲。今宵金谷酒。不待美人傾。  
露蔓平窺戶。籬烟半浸池。雨深蘭葉重。風定岫雲遲。春艸西堂夢。桃花小院思。聯吟山色裏。相問未來時。  
德公乘興往。元直偶然來。竹路不相待。柴門空自開。馬嘶侵岸草。花點過牆苔。未覺山林遠。如從剡曲迴。

夜坐聞鶴鳴

忽從雲外起。嘹唳半天聲。不覺耳目爽。使余林壑清。風高聽更徹。霜重夢還驚。想未歸瑤島。猶迷碧玉笙。

見鶴

昨夜長鳴者。霜霄一羽衣。帝鄉何處在。華表幾時歸。海月懸珠樹。松雲冷翠微。此閒棲未穩。且向故山飛。

問鶴

虞機方滿目。何意落風埃。豈爲乘軒寵。遙相渡海來。五絃空怨別。六翮漫相摧。好共翔寥廓。凌雲戲九垓。

晨臥

敲冰將漑釜。侍婢倒空壘。僵臥晨難起。衡門晝不開。凍雲依斷柳。飢鳥啄殘苔。自笑非高隱。何人泛雪來。

嵐翠

嵐翠接雲雲不住。可是花源最深處。松陰瀑泉如濺珠。看到斜陽不歸去。

張子移家詩

方壺渺何許。春洞久寂寞。未能浮黃雲。棲隱入衡霍。初闢竹西徑。將支柳南閣。庭草覆城烟。簷花下山雀。起舞擊珊瑚。鮮飈動綃幕。勝侶招黃綺。仙裳諸子。高酣放歌嘍。三山有故人。遙訊西飛鶴。緘書寄海月。三駕過北郭。忽逢天外蹤。遂契新知樂。張子于閩南。逢吾里陸生。相友善。陸生致書。三度訪予城北。不遇。今秋邂逅得之。別君發秋江。歸篷桂花落。重來迷巷陌。積雪斂行屨。江館凜堅冰。夜嘯征衣薄。寒色慘乾坤。春氣在橐籥。子詠予絃絲。子謠子行酌。

桃花魚藻圖

庚申暮春。偶過虞山。訪石谷王山人。因得晤天涯張先生。傾蓋如平生。甚快也。暇日戲拈小詞。索予畫桃花。再作荇藻游魚。以志莊惠之知云爾。

照水紅霞動。敲風翠帶長。偶然逢惠子。相與話濠梁。

還里贈鄒欽伯先生

朔風寒雨重披襟。嘆息天涯久滯淫。明月共懸千里夢。孤樽獨問十年心。佩來蘭芷君堪贈。別後蓬蒿徑已深。會見少微占太史。寄言梁甫漫長吟。

藕結

藕結瑤絲翠袖長。凌波豔露不霑裳。曉來無力調朱粉。瘦盡徐妃半面妝。



傲徐熙寫生

研北花枝照眼明。五雲常傍采毫生。叢華忽破霜天色。能使商秋白帝驚。

題畫

筍·杏酪·蠶  
豆·櫻桃·

清泉煮筍出行廚。杏酪斟來味勝酥。採摘同傾白定碗。碧玉粒伴紅珊瑚。

畫菜

灌罷烟蔬抱甕回。離披翠葉長春苔。僊家上藥原如此。琅菜何須碧海來。

雲樹秋嵐

怪底眼邊雲樹合。卻疑身在富春江。秋來常置烏皮几。應有嵐烟撲酒缸。

畫菊

只愛柴桑處士家。霜叢載酒問寒花。秋窗閒卻凌雲筆。自寫東籬五色霞。

題楊柳

何處香車紫陌塵。枝枝斜墮落花津。美人獨立東風裏。半爲春愁翠黛顰。  
烏啼江月正昏黃。風裊殘烟翠帶長。最是笛中聽不得。白門花落舊宮牆。  
弱縷風前未送寒。和烟和雨上闌干。當年歌舞消魂地。深院沈沈獨自看。

莫爲春愁減帶圍。風前弱縷尙依依。傷心最是紅橋路。寶馬鈿車亂後稀。  
翠壓紅潮冷釣磯。杜鵑聲裏送春歸。白花飛作江邨雪。一夜遊人減帶圍。  
綠池花片曉來增。欲挽東風力不勝。只爲送春無幾日。自將烟翠染谿藤。  
數點昏烟月一潭。綠陰桑火過春蠶。從今移入圖中看。不必攀條憶漢南。

時石谷王山人爲天涯諸同好畫柳盡宋元諸家變體。

窮工極妍。稱一時勝事。

灞岸千絲定有無。隋河舊綠已全蕪。抽毫細染眠烟勢。兵氣應難到畫圖。  
夢隔春雲海路長。楊花飛盡莫思鄉。閩南不是無青柳。海國遙聞已種桑。  
掃却硯塵來翠色。無吹玉笛亂春心。更憐紫燕風前語。可憶西湖舊綠陰。  
花雨春殘海上城。無心客路聽鶯聲。詩成一笑蓬萊淺。左肘驚看臥柳生。

戊午秋予別江南楊柳詩。剪伐略盡。予有歎柳圖。題閩海張郎柳圖。故有此句。

秋日觀南田生楊柳詩因題

丹徒笄重光在辛

水繞青山去復回。有時浮送落花來。東風吹亂垂楊柳。欲倩游人爲解開。

愛是垂楊嫩綠齊。放舟晴日弄春谿。滄浪自唱無人和。飛過水禽能一啼。

己丑初冬。偶過裴水。秋涯王子。出余做王晉卿平橋柳色一幀。見示。上有惲南田五詩之。猶憶三十年前。侯官張超然。與南田同客虞山。余爲之畫柳。兩公各賦絕句。十二章以龍之。猶南田繼亦爲鶴來主人畫柳。書前詩。此冊向藏鶴來。秋涯心豔之。元而卒寓吾虞。圖成之日。

購。以屬其雜題數頁。拙筆。追述舊遊。而秋涯買王得羊。二十年。或亦從此絕意。憚冊矣。無何。北溪陳子老。人低徊曩昔。感喟良多。而秋涯方自詫一幀之中。具兩入舊蹟。王璽識。于鶴來所藏。遂命余補書七詩。而序其端委如此。十月十有九日。海虞七十八老人王璽識。時寓水雲精舍。

初秋同溫其之廣陵舟泊西郊柳下和天樞韻

弦月上烟艇。微風到綠楊。蟬移無定響。星過尙遺光。夜火喧漁市。秋帆聚野塘。畏途同作客。清吹自悲涼。

淮水大至邨舍漂沒與張大天樞同客蕪城彌望無人烟愴然有作

野哭秋邨急。青疇望渺然。千隄齊沒柳。萬竈欲沈烟。又慟迴車路。同牽上岸船。從看塞瓠子。波浪自年年。

柳圖爲張天涯賦

江南游倦落花天。海客披圖思渺然。春水綠隄烟霧裏。此中應繫孝廉船。雪曲歌殘醉裏聽。瑤絲銀縷暗江汀。自憐白髮同枯柳。縱有春風不再青。

題石谷楚山欲雨圖

秋窗日日晴雲裏。何事烟嵐暗不開。看到墨花零亂處。楚山天半雨聲來。

題石谷寒林落月

亂草風汀澗路迷。水烟林霧隱荒谿。寒禽未醒巢閒夢。落月無聲烟樹西。

題石谷水村圖

昔唐解元贈石田翁小卷。作水村平遠。深柳漁梁。菰蒲曲岸。竹樹最深處。柴門臨溪。彷彿有詠歌。絃琴之聲。出於草堂烟翠間。與時禽水鳥相爲。



應和。蓋寫白石翁高逸處也。其畫柳師趙大年。坡石骨法宗李晞古。筆墨之外。有高逸神韻。石谷子曾仿此意。爲筴在辛御史作長卷。余爲題咏甚暢。此卷微有異同。有皆生平合作。鑒者珍之。

拂柳初歸曬網人。抱琴閒渡落花津。黃鸝紫燕東風裏。正是江南三月春。

石谷茂林仙館

白鶴瑤笙下杳冥。丹臺千樹護山靈。芙蓉翠削青天色。雲氣還如九疊屏。

石谷仿方壺畫

爛醉西窗破墨時。移山轉石夜雲知。何從得此淋漓筆。應有神龍起研池。

哭王奉常烟客先生

相韓家世舊青箱。牢落先朝老奉常。縱使雲霄參玉樹。白頭遺恨在滄桑。江山非復舊時春。浩劫難留一外臣。若向人間論甲子。龍蛇年歲是庚申。

江上薰風五兩催。偏從到日臥庭隈。見時尙說前宵夢。客自琴川泛棹來。

先生到日。疾作。却後三日始與石谷見。先生于牀第

間。猶云前夜夢兩君過我。

帶水盈盈悵望情。披帷一見慰平生。依稀十載相思字。欲語含糊聽未明。

壽平。與先生聞聲相思。今有餘年。未償一見之願。

夏始獲登先生之堂。

臥疾毘邪欲見難。褰帷如對故人權。迴身尙擬披衣起。老眼朦朧拭淚看。

釣渭非熊事已違。山阿零落薜蘿衣。怪他天海愁雲合。慘澹星芒隕少微。

相國當年再召時。先臣奉使十年遲。交情兩世關生死。問病驚傳卜琰詩。

是得病日。于關帝祠前占之。壽平謁先生。又過大期與先生永訣。先

相逢偏恨泰山頽。此日乘箕去不回。若道人間原有夜。如何無路訪泉臺。

典型南國表羣倫。綺季商巖與結鄰。隻眼乾坤遺老盡。從今東海竟無人。

東。詩成而先生往矣。壽平贈先生舊句有云。天

續命難求藥一丸。絕絃空有廣陵彈。婁東卽是西州路。畫扇眞同挂劍看。

獨向花前賦大招。猶聞閭巷哭殘宵。可憐淚作漫天雨。沒盡桑田一夜潮。

芙蓉千樹未凋霜。勝地曾過華子岡。若使先生今日在。掃華菴內共聯牀。

烏衣門巷綠楊遮。風月平泉故相家。絲竹東山人去矣。空令山鬼哭寒花。

愛客誰將古道論。風流還憶信陵門。傾家散盡黃金日。不解人間有報恩。

以告必應。生平不知貴報于人。當宜游時。奉使乘傳。而與馬行所難。父老云。太原王公。能知人之所不知。而或不能知人之所共知。皆出私囊也。他人

鐵畫銀鈎筆勢殊。香林蓮社每停車。年來題署名山遍。烏翮爭傳次仲書。

召神廟時公。先伯爲大行奉使。駕

壽平贈先生舊句有云。天

先生以扇寄南

先生屬寫生。寄南

右二首過東

鄉人每稱先生爲癡友。如緩急

脫人于難。先生爲癡友。如緩急

先生榜書八分。爲近代第一

足爲重也。

花前酌酒有花知。不道今年與世辭。繡幕東風無限恨。牡丹枯盡向窗枝。

可是頻伽梵鳥身。白鷗花底記前因。羽毛憔悴春風影。先向雕籠別主人。

先生所愛牡丹白鷗。皆先生化去。先生嘗祝曰。皆我先

日在。留以伴我。

名德歸然世所尊。鳳毛金馬最承恩。家風萬石傳恭謹。雲路鵷鷺啓後昆。

### 三薇圖

玲瓏絳樹影。飄緲芙蓉衣。黃雲天半起。紫鳳亦齊飛。

### 題南田三薇圖便面

太倉許 旭九日

紫霞空中飛。忽被黃雲裹。森森蔚藍天。散作花三朵。

### 畫松

石谷子畫古松。乃金陵六朝遺影。枝如虬龍。翠微間拂拂疑有聲。如風濤奔激。瑟瑟盈耳可聽。冷然靜深。又若古桐鳴。而萬壑寂也。以詩贊之。

摩詰庭前鱗未老。淵明籬下影長孤。恥從東岱觀秦禮。錯使人疑五大夫。

### 貽范生

學畫非化工。學書謝腕鬼。兩者不得兼。無因問真宰。離山乃見山。執水豈見水。所貴玩天倪。觀古尙吾美。何由鏡其機。靈標趣來萃。